



Na osnovu člana 17. stav 2. i člana 44. stav 1. Zakona o Visokom sudskom i tužilačkom vijeću Bosne i Hercegovine („Službeni glasnik Bosne i Hercegovine“, br. 25/04, 93/05, 48/07 i 15/08), a u vezi sa članom 61. Poslovnika Visokog sudskog i tužilačkog vijeća Bosne i Hercegovine („Službeni glasnik Bosne i Hercegovine“, br. 55/13, 96/13, 46/14, 61/14, 78/14, 27/15, 46/15, 93/16, 48/17, 88/17, 41/18, 64/18, 12/21, 26/21, 35/21, 68/21 i 1/22), Visoko sudsko i tužilačko vijeće Bosne i Hercegovine je na sjednici održanoj 13.04.2023. godine, donijelo

O D L U K U **o imenovanju tužioca u Republičko javno tužilaštvo Republike Srpske**

- I. Za tužioca Republičkog javnog tužilaštva Republike Srpske imenuje se **Bojić Žana**.
- II. Imenovana stupa na dužnost 08.05.2023. godine.
- III. Ova odluka stupa na snagu danom donošenja i objavljuje se na internet stranici Vijeća.

O b r a z l o ž e n j e

Visoko sudsko i tužilačko vijeće Bosne i Hercegovine (u daljem tekstu: Vijeće) je dana 04.05.2022. godine, objavilo javni konkurs, broj: 04-07-3-1614-1/2021, kojim su, između ostalih pozicija, oglašene i dvije (2) pozicije tužioca u Republičko javno tužilaštvo Republike Srpske.

Nakon provedene konkursne procedure, nadležno podvijeće je izvršilo finalno rangiranje kandidata, te je Vijeću dostavilo rang listu kandidata sa obrazloženim prijedlogom za postupanje.

Razmatrajući zaključenu rang listu kandidata i utvrđeni broj bodova, kao rezultat ocjenjivanja svih kriterija propisanih Zakonom o Visokom sudskom i tužilačkom vijeću Bosne i Hercegovine (u daljem tekstu: Zakon o VSTV-u BiH) i Poslovnikom Visokog sudskog i tužilačkog vijeća Bosne i Hercegovine (u daljem tekstu: Poslovnik VSTV-a BiH), Vijeće je odlučilo da za poziciju tužioca Republičkog javnog tužilaštva Republike Srpske imenuje kandidatkinju pod rednim brojem 6 na rang listi, Bojić Žanu.

Vijeće je nakon ocjene stručne sposobnosti kandidatkinje zasnovane na dosadašnjim rezultatima u karijeri, sposobnosti pravne analize, komunikativnosti i sposobnosti prezentacije, sposobnosti kandidatkinje da odgovorno, nezavisno i nepristrasno obavlja funkciju tužioca, uzimajući u obzir, između ostalog, dosadašnje radno iskustvo kandidatkinje, profesionalnu nepristrasnost i ugled, ponašanje van posla, edukaciju i usavršavanje, te druge aktivnosti u struci i ocjene kriterija podobnosti, ocijenilo da imenovana kandidatkinja u potpunosti ispunjava uslove za imenovanje propisane u članu 43. Zakona o VSTV-u BiH.

Shodno navedenim kriterijima kandidatkinja je u toku konkursne procedure ostvarila ukupno 117,7 bodova od mogućih 125 bodova, čime je ostvarila potreban uspjeh u smislu člana 59a. stav (1) tačka c) Poslovnika VSTV-a BiH, kako bi bila predložena i imenovana za tužioca u navedeno tužilaštvo.

U pogledu radnog iskustva kandidatkinje, Vijeće je imalo u vidu činjenicu da imenovana kandidatkinja od 2015. godine obavlja dužnost tužioca u Okružnom javnom tužilaštvu u Banja Luci.

Prilikom donošenja odluke, Vijeće se opredijelilo za kandidatkinju pod rednim brojem 6 na rang listi Bojić Žanu, u odnosu na kandidate pod rednim brojem 1 do 5 na rang listi, radi potrebe osiguranja adekvatne


nacionalne i spolne zastupljenosti u navedenom tužilaštvu u skladu sa odredbama člana 43. stav 2. Zakona o VSTV-u BiH.

Imajući u vidu sve iznesene razloge, Vijeće je odlučilo kao u izreci ove odluke.

Broj: 04-07-3-1531-1/2023

Datum: 13.04.2023. godine

Predsjednik VSTV-a BiH



Halil Lagumdžija